
KENYATAAN MEDIA

(Untuk Siaran dan Penerbitan Segera)

CGC MEMPERUNTUKKAN JAMINAN SEBANYAK RM10 BILION BAGI MENYOKONG PKS

KELANA JAYA, 18 Jun 2021 – Sejak April 2020 sehingga Disember 2021, Credit Guarantee Corporation Malaysia Berhad (CGC) telah memberi komitmen untuk memberi jaminan sebanyak RM10.0 bilion kepada Perusahaan Kecil dan Sederhana (PKS) yang terjejas akibat pandemik Covid-19 bagi membantu kebolehupayaan dan pemulihan perniagaan.

Pada Mesyuarat Agung Tahunan ke-48 secara maya pada 17 Jun 2021, CGC menegaskan komitmennya untuk menyokong PKS dalam usaha mereka untuk membaik pulih perniagaan bertunjangkan keberanian, kekuatan dan kemampuan untuk bangkit semula.

Dato' Mohammed Hussein, Pengurus CGC dalam ucapannya kepada para pemegang saham berkata, "Kita sedang menghadapi gelombang ketiga pandemik Covid-19, dan ini telah membawa kepada MCO 3.0. Berberapa bulan yang akan datang bakal membawa pelbagai cabaran untuk keseluruhan sektor PKS. CGC yakin terhadap pelbagai pakej bantuan seperti PEMERKASA dan PEMERKASA Tambahan akan dapat membantu mengurangkan beban PKS. Pakej-pakej bantuan ini serta Pelan Imunisasi Covid-19 Kebangsaan yang sedang berjalan akan menyumbang kepada pemulihan ekonomi Malaysia. Pada masa yang mencabar seperti ini, CGC akan terus memainkan peranan untuk menyokong kemampanan dan pemulihan PKS".

Presiden / Ketua Pegawai Eksekutif, Datuk Mohd Zamree Mohd Ishak ketika membentangkan prestasi CGC untuk Tahun Kewangan Berakhir 31 Disember 2020 dan Prospek untuk 2021, berkata bahawa di sebalik landskap ekonomi yang mencabar pada tahun 2020, CGC telah mencatat prestasi yang baik. Ini didorong oleh matlamat CGC untuk membantu PKS dengan lebih baik melalui produk dan perkhidmatan yang inovatif, bagi memenuhi keperluan mereka di pelbagai peringkat perniagaan.

"Pandemik Covid-19 dan krisis ekonomi yang meyusul mengakibatkan keuntungan bersih CGC berkurang sebanyak RM106.8 juta (49.6%), dari RM215.3 juta pada tahun 2019 kepada RM108.5 juta pada tahun 2020," jelas Datuk Zamree. Beliau juga berkata, CGC telah berjaya mencapai matlamatnya dalam Pelan Strategik 5-tahun (5SP) 2016-2020 dan kini telah memasuki tahun pertama 5SP 2021-2025. Matlamat CGC ialah untuk mengukuhkan inisiatif transformasi dan menjadi 'Rakan Kemajuan PKS di Setiap Tahap Kehidupan' (*Partner for MSME Growth Across Life Stages*).

Selaras dengan inisiatif CGC Beyond Guarantee dan kesedaran terhadap kesan pandemik Covid-19 semasa serta cabaran yang dihadapi para PKS, CGC menerapkan digitalisasi secara



berterusan bagi membolehkan PKS mendapat produk pembiayaan dalam talian secara mudah, di mana jua dan bila-bila masa melalui imSME. Di samping itu, melalui inisiatif Khidmat Nasihat Pembiayaan (MyKNP@CGC), CGC juga menawarkan khidmat nasihat bagi meningkatkan peluang PKS memperolehi kelulusan pinjaman dari pihak bank apabila permohonan terdahulu mereka gagal.

Dalam ucapan penutupnya, Datuk Zamree mengulangi bahawa "CGC tetap komited dengan mandatnya dan yakin bahawa jika semua pihak memainkan peranan masing-masing, gelombang pemulihan ekonomi boleh dicapai dalam waktu yang terdekat."

- TAMAT -



MENGENAI CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu Perusahaan Kecil dan Sederhana (PKS) yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. CGC telah memanfaatkan lebih daripada 490,000 jaminan dan pembiayaan kepada PKS bernilai lebih dari RM80 bilion sejak penubuhannya.

Pada Februari 2018, CGC memperkenalkan imSME, sebuah platform rujukan pembiayaan / pinjaman PKS atas talian yang pertama di Malaysia. Sejak penubuhannya sehingga 30 April 2020, portal imSME telah menerima lebih daripada 2.08 juta kunjungan dan lebih daripada 39,000 PKS berdaftar.

MyKNP dilancarkan bersama Bank Negara Malaysia dan Agensi Kaunseling dan Pengurusan Kredit (AKPK) pada 21 Ogos 2019. Di CGC, MyKNP yang membawa maksud Khidmat Nasihat Pembiayaan, membantu PKS dalam mendapatkan pembiayaan daripada institusi kewangan. Platform ini bertujuan untuk memberi khidmat nasihat kepada PKS bagi membantu meningkatkan kelayakan mereka dalam mendapatkan pembiayaan dan pada masa yang sama, memberikan pemahaman yang lebih mendalam mengenai faktor-faktor yang mempengaruhi permohonan pembiayaan PKS.

CGC juga menguruskan Tabung Projek Usahawan Bumiputera (TPUB-i). Sehingga kini, CGC menguruskan sejumlah 27 skim jaminan dan pembiayaan termasuk 3 skim yang disokong kerajaan. Pada masa ini, empat belas (14) Bank Perdagangan, empat belas (14) Bank Islam, dan enam (6) Institusi Kewangan Pembangunan (IKP) mengambil bahagian dalam skim jaminan CGC dalam menyediakan pembiayaan kepada pelanggan menerusi rangkaian lebih daripada 2,600 cawangan di seluruh negara. PKS yang berminat untuk mendapatkan lebih banyak maklumat digalakkan untuk menghubungi Pusat Perkhidmatan CGC di talian 03-7880-0088, emel csc@cgc.com.my atau layari www.cgc.com.my | www.imsme.com.my | FB: @CGCmy | Instagram: cgcmalaysia

Untuk sebarang pertanyaan, sila hubungi Jabatan Komunikasi Korporat kami:

Mohana Arumugam
Naib Presiden, Komunikasi Korporat
mohana.arumugam@cgc.com.my

Patricia Liew
Pengurus, Komunikasi Korporat
patricia.liew@cgc.com.my

